



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87 Ա

« 29 » դեկտեմբերի 2020թ.

Ո Ր Ո Շ ՈՒ Մ No. 2982/19-Ա

Չկատարված հարկային և դրոշմանիշային վճարի գծով պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով անհատ ձեռնարկատեր Վահագն Կարապետյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Վահագն Կարապետյանի (ՀՎՀՀ՝ 40554434, հասցե՝ Կոտայքի մարզ, Հրազդան, Վանատուր փ., 30 շենք, պետ. հաշվառման համարը՝ 85.872758) չկատարված հարկային պարտավորությունը «17» դեկտեմբերի 2020թ.-ի դրությամբ կազմել է 2.401.216 ՀՀ դրամ, որից ապառք՝ 1.610.572 ՀՀ դրամ, տույժ՝ 762.556 ՀՀ դրամ, տուգանք՝ 28.089 ՀՀ դրամ, իսկ դրոշմանիշային վճարի գծով 86.000 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունները գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 31.10.2018թ-ին և 12.02.2019թ-ին կայացվել են չկատարված հարկային պարտավորությունները գանձելու մասին թիվ 4101/19-Ա և թիվ 3151-19 Ա որոշումները:

Թիվ 4101/19-Ա որոշման շրջանակներում վճարման ենթակա գումարը եկամտային հարկի գծով կազմում է 963.207 ՀՀ դրամ /ապառք՝ 702.243 ՀՀ դրամ, տույժ՝ 260.964 ՀՀ դրամ/, սոցիալական վճարի /ամսական/ գծով կազմում է 11.728 ՀՀ դրամ /ապառք՝ 11.500 դրամ, տույժ՝ 228 դրամ, սոցիալական վճարի /տարեկան/ գծով պարտավորությունը կազմում է 88.381 ՀՀ դրամ: Թիվ 3151-19 Ա որոշման շրջանակում վճարման ենթակա գումարը սոցիալական վճարի /ամսական/ գծով կազմում է 17.706 ՀՀ դրամ /ապառք՝ 17.250 ՀՀ դրամ, տույժ՝ 456 ՀՀ դրամ/, շրջանառության հարկի գծով կազմում է 78.578 ՀՀ դրամ /ապառք՝ 78.343 ՀՀ դրամ, տույժ՝ 235



ՀՀ դրամ/, եկամտային հարկի գծով կազմում է 216.026 ՀՀ դրամ /ապառք՝ 210.450 ՀՀ դրամ, տույժ՝ 5.576 ՀՀ դրամ/:

Հաշվի առնելով, որ վերոնշյալ պարտավորությունների գանձմանն ուղղված վարչարարության արդյունքում վարչական ակտերում ներառվելու է նաև ՀՀ հարկային օրենսգրքի 401-րդ հոդվածով հաշվարկված տույժերի գումարները, ուստի սույն որոշման մեջ չի ներառվում նաև թիվ 4101/19-Ա որոշման շրջանակում եկամտային հարկի գծով հաշվարկված 188.788 ՀՀ դրամ տույժի գումարը, ինչպես նաև թիվ 3151-19 Ա որոշման շրջանակում սոցիալական վճարի /ամսական/ գծով հաշվարկված 8.867 ՀՀ դրամ տույժի գումարը, շրջանառության հարկի գծով հաշվարկված 41.012 ՀՀ դրամ տույժի գումարը և եկամտային հարկի գծով հաշվարկված 108.171 ՀՀ դրամ տույժի գումարը:

Նկատի ունենալով, որ 2018թ-ի հոկտեմբեր ամսվանից հարկային պարտավորությունների առկայության դեպքում վարչարարությունն իրականացվում է էլեկտրոնային ծրագրի միջոցով, ուստի սույն որոշման մեջ չի ներառվում անհատ ձեռնարկատիրոջ կողմից 2018թ-ի շահութահարկի /տարեկան/ գծով հաշվարկված 82.140 ՀՀ դրամ գումարը /ապառք՝ 60.000 ՀՀ դրամ, տույժ՝ 22.140 ՀՀ դրամ/, սոցիալական վճարի /տարեկան/ գծով հաշվարկված 60.000 ՀՀ դրամ գումարը:

Անհատ ձեռնարկատիրոջ հարկային պարտավորության եկամտային հարկի գծով ապառք՝ 113.258 ՀՀ դրամ, արտոնագրային հարկի գծով տուգանք՝ 28.089 ՀՀ դրամ, առաջադրվել է 17.05.2017թ-ի թիվ 1110776 ստուգման ակտով, ինչը ենթակա չէ գանձման սույն որոշմամբ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային և դրոշմանիշային վճարի գծով պարտավորությունը կազմում է **395.265 ՀՀ դրամ, որից՝**

եկամտային հարկի գծով պարտավորությունը կազմում է 144.642 ՀՀ դրամ, որից ապառք՝ 70.150 ՀՀ դրամ, տույժ՝ 74.492 ՀՀ դրամ, որն առաջացել է 2018թ-ի սեպտեմբեր ամսվա եկամտային հարկի և սոցիալական վճարի ամսական ամփոփ հաշվարկից և ՀՀ հարկային օրենսգրքի 401-րդ հոդվածով հաշվարկված տույժերից,

շրջանառության հարկի գծով պարտավորությունը կազմում է 152.023 ՀՀ դրամ, որից ապառք՝ 107.247 ՀՀ դրամ, տույժ՝ 44.776 ՀՀ դրամ, որն առաջացել է 2018թ-ի 3-րդ եռամսյակի հաշվարկից և ՀՀ հարկային օրենսգրքի 401-րդ հոդվածով հաշվարկված տույժերից,

սոցիալական վճարի /ամսական/ գծով պարտավորությունը կազմում է 12.600 ՀՀ դրամ, որից ապառք՝ 5.750 ՀՀ դրամ, տույժ՝ 6.850 ՀՀ դրամ, որն առաջացել է 2018թ-ի սեպտեմբեր ամսվա եկամտային հարկի և սոցիալական վճարի ամսական ամփոփ հաշվարկից և <<Կուտակային կենսաթոշակների մասին>> ՀՀ օրենքի 71-րդ հոդվածով հաշվարկված տույժերից,

դրոշմանիշային վճարի գծով պարտավորությունը կազմում է 86.000 ՀՀ դրամ, որն առաջացել է 2017թ-ի հունվար-2018թ.-ի դեկտեմբեր ամիսների համար եկամտային հարկի և սոցիալական վճարի ամսական ամփոփ հաշվարկներից, 2017թ-ի տարեկան եկամուտների մասին պարզեցված և 2018թ-ի շահութահարկի տարեկան հաշվարկներից:

Գանձման ենթակա չկատարված հարկային պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:



Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 6-րդ մասով, «Հայաստանի Հանրապետության պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի 13-րդ, 14-րդ, 15-րդ հոդվածներով և «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 88-րդ հոդվածներով՝

Ո Ր Ո Շ Ե Ց Ի

1. Անհատ ձեռնարկատեր Վահագն Կարապետյանից գանձել 395.265 ՀՀ դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ, 71-րդ հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Կատարող՝ ԻՎ ՀԳ և ՊԿԱ բաժին,
առաջատար մասնագետ Ա. Պետրոսյան,
հեռ. 011-54-91-91 /91-69/



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am